

Papa Francis Wapezeka Wolakwa Pa Mlandu Wozembetsa Ana, Kugwiririra, ndiKupha

Lamulungu, July 20, 2014, 7:28



Dzulo anthu amene akuyimbidwa milandu Papa Francis Bergoglio, wamkulu wa Jesuit ya Katolika wotchedwa Adolfo Pachon ndi Bisihopu Wamkulu waku Canterbury wotchedwa Justin Welby apezeka olakwa pa milandu yogwiririra, kuzunza anthu, kupha anthu komanso kuzembetsa ana. Oweruza asanu a International Common Law Court of Justice imene ili ku Brussels apezeka kuti akhala akuchita milanduyi posachedwa pompa m'chaka cha 2010. Kungoyambira m'mwezi wa March wathawu, [anthu oposa 48 akhala akuikira umboni](#) kukhotili la ICLCJ pazimene anthu oyimbidwa milanduwa akhala akuchita monga mamembala a Ninth Circle Satanic Child Sacrifice Cult.

Zikumveka kuti gulu lochita za Usatana la Ninth Circle Satanic Cult limapereka nsembe za ana a anthu mumatchalitchi a Roma Katolika ku Montreal, New York, Rome, Scotland, London, Carnarvon Castle ku Wales, komanso kumalo ena amene sanatchulidwe a ku French Chateau m'dziko la Holland. Izi zakhala zikuchitikanso m'matchalitchi a Katolika ku Canada ndiponso m'masukulu ogonera pompo a Anglican Indian omwe ali ku Kamloops, British Columbia ndiponso ku Brantford, Ontario ku Canada. Zimamvekanso kuti gulu lochita za Usatanani la Ninth Circle Satanic Child Sacrifice Cult limagwiritsa ntchito nkhalango za anthu wamba zomwe zili ku US, Canada, France ndi ku Holland pochita "Maphwando Awo Ofufuza Anthu" omwe pamafika anthu olemekezeka ochokera m'madera osiyanasiyana padziko lonse, kuphatikizapo mabanja achifumu a ku Ulaya. Achichepere a zaka zam'mateen zimamveka kuti amasungidwa ndi magulu achifwamba mamafia, kenako amawavula, kuwagwiririra, kenako n'kuwapha. Mkulu woimira pa milandu (Chief Prosecutor) anati: "Tchalitchi cha Katolika n'chachikulu kwambiri padziko lonse koma zikuoneka tchalitchichi chikugwirizana ndi magulu achifwamba mamafiya, boma, apolisi komanso makhoti padziko lonse."

Atsikana awiri anauza khoti la ICLCJ kuti Papa Francis anawagwiririra pa nthawi imene ankachita mwambo wopereka ana nsembe. Anthu enanso okwana 8 anaikira umboni kuti iwowo anagwiridwa kapena anaona anthu ena akugwiridwa komanso anaona ana akuperekedwa nsembe ndi akuluakulu a tchalitchi. Zikumveka kuti gulu lochita za Usatana la Ninth Circle Satanic Cult linachita mwambo wake wopereka nsembe ana nthawi ya dzinja m'chaka cha 2009 ndi 2010 m'madera akumidzi m'mayiko a Holland ndi Belgium.

Malinga ndi chikalata chomatidwa bwino chimene chatengedwa kumalo osungira mabuku ku Vatican, zadziwika kuti Papa Francis anapezeka kuti ndi amene ank'alimbikitsa miyambo yopereka ana nsembe pa nthawi imene papayu anali wansembe wongogwirizira komanso Bisihopu ku Argentina. Chikalata chinanso chomwe

chinalembedwa pa December 25, 1967, chotchedwa Magisterial Privilege chikusonyeza kuti Papa aliyense amene wangokhala kumene pa udindowu amafunika kuchita nawo miyambo ya gulu lochita za Usatana la Ninth Circle Satanic Cult monga kupereka nsembe makanda, ndi kumwa magazi awo. Zikalata ziwiri zonsezi zinaperekedwa ngati umboni kukhoti la ICLCJ ndi munthu wina waudindo waukulu ndithu ku Vatican komanso munthu wina amene poyamba ankagwira ntchito ndi Vatican Curia ndipo anasiya.

Mwezi wathawu munthu wofufuza nkhani wa Irish Garda Police Force anapereka umboni pamaso pa oweruza 5 ndiponso anthu ena 27 ogwira ntchito kukhotili kuti zizindikiro zimene zinali pamafupa a ana pafupifupi 796 omwe anapezeka muthanki ya zonyansa za kuchimbudzi cha pamalo ena ogona a Sisitere patchalitchi china cha Katolika ku Ireland, zikusonyeza kuti anawo anachita kuphedwa mwamwambo wawo wa nkhanza kwambiri. Mboni inanena kuti akatswiri omwe anayeza mafupawo anatsimikiza zoti mafupa a anawo akusonyeza zoti anawo anachita kuwapha mwa nkhanza kwambiri powapangira zizimba ndikuwapereka nsembe.

[Chikalata chapa BBC](#) chinavumbula zoyipa zimene zinakhala zikuchitika kwa zaka 50 zozembetsa ana zochitidwa ndi tchalitchi cha Katolika ku Spain. Pomafika m'zaka za m'ma 1990, tchalitchi chinali chitaba ana oposa 300,000 kuchokera kwa makolo awo. Makolo a anawa ankauzidwa kuti ana awowo amwalira ndipo awaika m'manda mudzenje limodzi. Zikumvekanso kuti tchalitchi cha Katolikachi chinapeza ndalama zokwana madola 20 biliyoni ponamiza anthu kuti chikutenga anawo kuti chizikawasamalira.

Mboni inanso inanena zoti iyo inalipo pamene Papa Francis ankachita misonkhano yake ndi gulu la nkondo la Junta pa nthawi imene ku Argentina kunali nkondo yoyipa m'zaka za m'ma 1970. Malinga ndi zimene mboniyo inanena, Papa Francis anathandiza kuzembetsa ana 30,000 amene makolo awo anamangidwa pa zifukwa za ndale ndipo sankadziwika komwe ali. Anawo anawatumiza kugulu lochitira nkhanza ana, lomwe ofesi yake ili ku Vatican.

Pulogalamu ina [ya nkhani za padera ya pa ABC](#) inati mdyerekezi amakhala ku Vatican. “Zikalata zachinsinsi zosungidwa ku Vatican zimene zinaonetsedwa m'khoti monga umboni zinasonyezeratu kuti kwa zaka mahandiredi ambirimbiri, akuluakulu a tchalitchichi maJesuit akhala akuchita miyambo yopha ana amene anawaba n'kumamwa magazi awo,” mkulu woimira milandu (Chief Prosecutor) kukhoti la ICLCJ anenana zimenezi pouza oweruza 5 ochokera m'mayiko osiyanasiyana komanso anthu ena 27 othandizira poweruza milandu kukhotili. “Akuluakulu a tchalitchichi anayamba kuchita zimenezi pokhulupirira kuti magazi a ana osalakwa angathandize kuti pasamakhale zosokoneza zilizonse Papa akakhala pa udindowu ku Rome. Machitidwe amenewa sanangokhala ongofuna kupha anthu ambirimbiri koma linali dongosolo komanso zinali zokhanzikitsidwa m'chikhalidwe chawo. Zimenezi ndi nkhanza zoopsa kwambiri ndipo n'zomvetsa chisoni kuti tchalitchi n'chimene chikuchita zimenezi. Kuyambira cha mu 1773, zimawoneka kuti amapanga ndi a tchalitchi cha Roma Katolika, maJesuit komanso Papa aliyense.”

Panakonzedwa zoti anthu ena amene akukhudzidwa ndi zankhanza zimene zinaululika kukhoti la ICLCJ afufuzidwe komanso aimbidwe milandu. Pa September 1, 2014, kafukufuku anakhanzikitsidwa kuti ayambe ndipo mutu wake ndi wakuti Komiti Yokhanzikika Yoona za Kuzembetsa Ana Komanso Kuchita Miyambo Yopereka Ana Nsembe. Kuyang'ana mozama pa malamulo kumayembekezereka kutsatira.

Anthu 48 amene anaperekera umboni pa milanduyi ananena zoti anthu omwe ankachita zankhazazi ndi a Papa a Katolika, ndipo aPapawa ndi Francis Bergoglio, Yohane Paulo Wachiwiri ndiponso Joseph Ratzinger; Anglican, United Church ya Canada ndi maofisala a tchalitchi cha Katolika kuphatikizapo Makadinala ndi Superior General wa Jesuit ya Katolika Adolfo Pachon; Mfumukazi Elizabeth ya ku United Kingdom ndi Prince Phillip, Justin Welby yemwe ndi bishopu wamkulu wa Anglican ku Canterbury komanso Fulford yemwe ndi mkulu wa oweruza milandu kukhoti lalikulu; ku Netherlands; makadinala ku Holland ndi Belgium ndi anthu a kubanja lachifumu monga Crown Prince Alfrink Bernhard, Mfumu Hendrick, munthu yemwe amayenda ndi Mfumukazi Wilhelmina ya ku Holland, Mfumukazi Beatrix, bambo ake ndiponso a viceroy, Prince Johan Friso ndi mkazi wake Mabel Wisse Smit, nduna zakale, mkulu wa asilikali ku Holland, mlembi wa Raad van State; maofesala aku Canada, Australia, United Kingdom ndiponso asilikali aku United States ndi maboma kuphatikizapo [CIA ku USA](#), ndi nduna za boma zodziwika bwino, oweruza milandu, andale komanso amalonda aku United States, Belgium, Holland, Canada,

Australia, France, Ireland ndiponso United Kingdom.

Pa July 19, 2014, khoti linapereka chikalata chopatsa mphamvu apolisi kuti akhonza kumanga anthu amene apezeka olakwa pa mlanduwu. Koma malinga ndi chikalata chimene a ITCCS atulutsa dzulo, padakali pano zikalata zimene ndi umboni wa kukhoti sizimatulidwa m'maenvulopu ake. Pa mlandu woyamba umene khoti la ICLCJ linazenga, womwe unafika mu February 2013, khotili linaona zoti ana 50,000 a ku Canadian amene anasowa, anasowetsedwa ndi anthu 40 otchuka m'dzikoli, kuphatikizapo Mfumukazi Elizabeth.

Ana 50,000 anasowa ku Canada makamaka m'masukulu a Katolika ogonera pomwepo. Malo okhalapo manda oika ana ambiri m'dzenje limodzi oposa 34 anapezeka ku ena mwa masukulu 80 ogonera pompowo m'dziko lonse la Canada. Kuyambira 2008, Mfumukazi Elizabeth ndi Boma la Canada akhala akukana pempho la ITCCS lofuna kufukula pansu kuti apeze zotsatira kapena zosiyidwa.

Chifukwa chothekera chimene ankakanira sichinali chodabwitsa. October 10, 1964, Mfumukazi Elizabeth ndi Prince Phillip anapezeka olakwa pa mlandu wozembetsa ana 10 a pasukulu yogonapo ku Kamloops yomwe ili ku British Columbia. Kuyambira nthawi imeneyo mpaka pano, makolo a anawo sanaonenso ana awo. Zakuyang'ana mozama malamulo zikuoneka kuti zinachititsa Papa Ratzinger kutula pansu udindo wake. Umboni ochokera ku milandu imeneyo ukhonza kupezeka mu "[Hidden No Longer](#)" ya Kevin Annett.

[Khoti la dziko lonse la ICLCJ](#) lili ndi maofesala owona za bata ndi mtendere (Common Law Peace Officers) oposa 450 ochokera m'mayiko 13, ndipo amagwira ntchitoyi m'magulu 51 amene ali m'madera osiyanasiyana. Ndalama zinalipo kwa anthu osiyanasiyana amene anali ndi chidwi chokhala m'magulu n'cholinga chothandiza kuwunikira malamulo okhazikitsa bata ndi mtendere. Ngati mukufuna kulankhula ndi khoti la [ITCCS](#), ICLCJ ku Brussels, kapena makhoti a m'gululi amene ali m'madera ena kapenanso kwa anthu amene amagwira ntchito mongodzipereka polimbana ndi m'chitidwe wankhazawu, tumizani imelo ku: itccscentral@gmail.com, hiddenfromhistory1@gmail.com, mungaimbenso foni ku [386-323-5774](tel:386-323-5774) (USA) kapena [250-591-4573](tel:250-591-4573) (Canada).